



周益公文集第十一卷

平園續稿卷第十一

宋廬陵周益公必大著

題跋六

跋歐陽徹遺事

高宗皇帝即位南京宰輔不思將順求言之美意專為身謀殺尚書人鎮江陳東少陽府州歐陽徹德明六飛南渡亟黜時相再贈二人朝奉即祕閣修撰王青惻怛過禹湯之罪已錄孤賜田光于史冊草制者中書舍人王居正也右丞許崧老既為哀詞某又少陽行狀授梁君世昌刻之世昌曰德明吾鄉人

也其孫瑀嘗哀次事始里中文士鄧名世亦誌其藏
將并刻之按唐韓文銘死事之臣張徹云嗚呼徹也
世慕顧以行子榻榻也陸曄以為生子燭割也為彼
不清作玉雪也德明生而命名與之因為國損軀又
同是真能晞顏慕蘭者先是郡庠繪晏元獻公曾子
固汪信民謝無逸祠于講堂德明預焉其視沒世名
不稱或遺臭萬代者孰得孰失耶德明弟衡子飛黃
婿黃帖皆蒙恩補官飛黃終建安尉瑀蓋其子也嘉
泰壬戌臘月乙亥

跋曾無疑所藏黃魯曾直曉年帖

右有人曾無疑所藏太史黃公帖其前一幅崇寧癸
未公寓武昌蘄宜州十二日赴貶時留與黃州何頡
斯舉者明年二月南過洞庭寄家永州五月初道由
桂林題名於行勳大師榕水閣是月十八日至宜有
賃黎秀才宅子手約今刻石秀峯帖中後六帖皆與
融州都監高德脩乙酉九月晦公卒自崇觀以後凡
片文隻字禁切甚嚴至炎興間則雖宸翰猶俯固其
筆法蓋一弛一張人事也或柳或舉有天道焉觀三
代兩漢以來尋常碑刻沉埋蝕泐之除傳寶百事何
猶公遺墨與嘉泰壬戌閏臘月丁巳

唐益公文集 卷之十一 七十一 汝生堂

跋何居仁與張斗南序

江人臨江何居仁學廣聞多下筆哀不休高談雄辯
常屈坐人屢上南宮臺耄老而終觀送鄉孝子序議
論淵原詞未瞻蔚曾次筆力可窺一斑其稱張居至
矣古者求忠臣於孝子之門既舉其孝復勉以忠此
誨人本末之序也張舊名楠字南叔後改名斗南而
字如初今監柳州酒稅敏達和易喜從名勝遊予友
許凌志伯高弟也嘉泰壬戌臘月二十一日

跋馮軫所藏五帖

東坡書富文忠公神道碑

富文中之使虜所謂肅肅王命仲山甫將之也蘇文
忠之翰墨所謂吉甫作誦穆如清風也大雅烝民茲
可無愧富公孫樞蘇公猶子侍郎皆題名卷末抑所
謂臧孫有後于魯者嘉泰癸亥四月戊申

東坡書陶靖節詩

東坡云吾於詩人無所甚好獨淵明詩質而實綺癯
而實腴自曹劉鮑謝李杜諸人皆莫及蓋嘗盡和其
詩尤喜此四篇再三書之嘉泰癸亥四月戊申平園
老叟周某題而歸之馮氏

東坡穎州詩

東坡穎州詩 卷之十一 七十一 汝生堂

東坡以元祐六年秋到潁州明年春赴維揚作此詩
題曰西湖月夜泛舟今集序以趙德麟餞飲湖上舟
中對月為題是也紫公在潁僅半年集中自放魚長
韻而下凡六十餘詩歷考坡所至歲月惟潁為少而
留詩多蓋陳傅道履常趙德麟歐陽叔弼季默適聚
于潁故臨別詩云五君從我游傾瀉出怪珍又中間
劉景文特來送行詩云歐陽趙陳皆我有豈謂夫子
駕復迂邇來又見三黜柳共此爓熱餐糲蘇自注云
郡中日與叔弼景貺履常相從而景文復至不數日
柳戚之亦見過賓客之盛頓所未有乃知攄發妙思
羅列于此柳有由也堂名聚星今古相望使有俗物
敗人意如坡所云其能爾乎馮吳江軫遠示真蹟
敬題其後嘉泰癸亥孟夏九日

米元章上呂汲公書

右元祐九年春未改紹聖時米元章知雍丘縣上呂
汲公書元章字畫豪逸非以畿令事宰相故家謹皆
殆由切於為民有莊敬之心心既莊敬字畫隨之此
與檄報鄰縣打回蝗蟲之戲異矣雍丘本祀子國初
以名縣嘗名州云嘉泰癸亥四月戊申

山谷書六一先生古賦

周益公文集 卷之十一 七十四
六一居士集共五賦山谷寫其三黃楊疑少作憎蒼
蠅嫌譏刺耳外集別有四賦惟取述夢蓋因悼七辭
意俱妙類李太白耶嘉泰癸亥四月九日

題趙遜可文卷

揚雄有言事辭稱則經此為屈原發也自國風雅頌
之後能庶幾於此者其離騷乎或推為經雖曰太過
未為無據也晁補之續楚辭二十卷自宋玉及漢唐
至于本朝諸賢辭賦問對歌詩序引之類咸在雖
一代英傑盡心力而為之遂以名世然其原皆出於
離騷時體制殊耳予同年進士趙兄彥博自富文仕

至權工部侍郎政事文學皆過人而詩禮之訓尤切
淳熙中予在西府富文之孫時逢字遜可年方英妙
携葩窰橐一編為驚凡辭賦銘贊傳序及莊周八寓
總二十餘篇意高詞古大抵祖楚辭也予固已駭嘆
其不可及後二十年遜可自尚書郎出帥大藩復示
十八賦它文亦十餘篇意益高詞益古號山牕裴橐
屬予訂之予既喜楚辭之有傳又慶吾同年之有後
也昔杜牧作皇諸孫賀集序極道其歌詩之妙當矣
未乃謂賀生二十七年而死使未死必加矣理可以
奴僕命騷是何言歟此與杜審言屈宋作衙官之語

案以異大率唐人失之矜誕予無取焉今避可年方
強仕進脩未艾他日復有如補之者出將繫節於斯
文其附二十卷而傳也必矣予何足以知之嘉泰三
五月日題

跋楊廷秀對月飲酒辭

韓退之稱柳子厚云玉佩瓊琚大放歐辭蘇子瞻答
王庠書云辭至於達而止矣誠齋此辭可謂樂斯二
者嘉泰三年八月二十日

跋陸務觀送其子龍赴吉州司理詩

吾友陸務觀得李杜之文章居嚴徐之侍從子孫衆
多如王謝壽考康寧如僑松詩能窮人知謗一洗萬
古而空之嘉泰癸亥九月四日

跋劉共甫胡邦衡帖

右劉共父樞密與胡邦衡資政三帖前二者隆興甲
申共父守衢邦衡自海道罷歸經過時後一幅淳熙
乙未共父帥金陵邦衡隨其長子泳守官時也邦衡
書二幅所謂季羔正字者王端朝也時紹興己卯量
移在馮峯惟知郡帖不知何人視題銜則乾道庚寅
歲也最後與予邦衡書亦乙未歲者鄉人羅克宣次
召出以相示今遠者四十年近則二十間年邦衡父

子共父季羔墓木皆拱惟予養疾山林王羲之云俯仰之間已為陳迹况歲月如是之久乎太息題其後嘉泰癸亥九月戊寅

跋王獻之保母墓碑

銘墓三代已有之薛尚功鍾鼎款識第十六卷載唐開元四年偃師耕者得比干墓銅槃篆文云右林左泉後岡前道萬事之乎茲馬是寶蓋古者範銅精巧鏤以為器定死皆用自漢錢幣益重銅禁日嚴不宿業於是陶土堅緻與鐵石等予得光武時梓潼扈居墓甄先釵所歷之官末云千秋之宅撫脫隸書而非

鐫也又有章帝時范君謝君甄銘以四字為句厥後銅雀之瓦遂可作硯字亦隱起以此知東漢誌墓初猶用甄久方刻石紹興中予親見常州宜興邑中斲出靈帝時太尉許馥塚有碑漫滅惟前百餘字可讀大略云大夫會稽山陰人姓劉氏大尉之婦也任昉在梁撰文章錄起乃謂誌墓始劉殷仲文洪丞相迂跋云世傳東漢墓碑皆大隸疑昉時尚未露見其說良是惜乎洪公不見漢甄也由今論之自銅易甄自甄斷石愈蘭便矣嘉泰癸亥故友四明沈煥叔晦之子省曾出示越上新拓王獻之保母墓碑因詳記于

後十二月壬寅

丁酉歲恭和 內宴御書草跋

淳熙丁酉九月戊午早起明慶寺開啓聖節先是有旨今閣門依倣 太宗太平興國二年故事宣宰執侍從正任內宴觀擊毬午時入東華門過選德殿其後即毬場也相對有大堂曰水堂其左為芙蓉閣右為凌虛閣至則公左右朋立斑樂作上乘馬來迎駕兩拜 上御芙蓉閣 遠城花 群臣起居 上乘馬擊毬畢下馬再坐皇太子以下奉觴稱賀 上飲訖宣群臣就坐各賜酒飲醕乃接盞 上臨軒群臣分侍

皇太子乘馬擊毬次左右朋擊屢傳 旨實擊既畢

上乘馬歸群臣少憩幕次移刻晏選德酒五行宣勸者再大略如景靈宮對 御時亦用雜劇二段第四盞宣示御詩一首明日群臣皆和進某時為翰林學士此其橐也不知臨江貢士劉君昌詩何自得之後二十八年出以相示俾題其後嘉泰甲子正月辛巳跋蘇黃門左筠州施楞嚴標指

蘇文定公以元豐二年己未乞納官贖兄文忠公罪旋自南京簽判謫監筠州鹽酒稅明年至官又明年四月僧惟盛刻楞嚴標指要義十卷成公時年四十

三史夫人四十一其九月印施十本贈機長老卷末
親題名氏嘉泰甲子筠簾玉牒彥璋南夫得之求志
歲月觀公文集後二十二年歲在癸未復題此經云
十年來漸悟佛法經歷憂患真心不亂今翻覆熟讀
乃知諸佛惠我無生法恐無漏勝果願心心護持勿
令失墜蓋與頃年求福田利益之意異矣二月辛丑
平園老叟周某子充書

題文氏雙秀亭詩

此予少年遺廬陵永和鎮文安國者今三十六年矣
其子立方不遠二千里携以相示揚雄必作之悔今
感化鶴之念徒耿耿耳淳熙乙巳十月旦書

後二十年再觀於平園華隱樓嘉泰甲子三月望
跋韓忠獻范文正歐文忠與尹師魯帖

尹師魯素為韓忠獻王所重此帖可見又於范文正
公義兼師友及論陝西攻守乃與范異是豈以水濟
水哉歐陽文忠公與師魯尤為道同志合方師魯欲
械治劉滄文忠作諫官奏疏云寧移尹珠不可為洙
曲有黨莖正指韓范也師魯竟自涇師徒知晉州尋
因仇人上書謫官而卒至嘉祐中韓公八相始復師
魯官錄其子而歐陽公誌師魯墓亦極口褒美前賢

先國事後伸朋友之誼皆可法也嘉泰甲子三月甲戌

題范文正公帖

又范文正公前一帖慶歷帖六年正月自郟赴鄧時與圖龍閣直學士田况書也况知泰州丁父憂

仁宗詔起復又遣內侍持手勅起之不得已乞歸葬託邊事求見泣請終制上惻然許之師臣得終喪自此始詳載正使今公既以衣道扣聖門告元君復欲讀書涉道而自樂前賢書問類如此可與識者道難與泛泛不情者言也後一帖呼提點疑部使者或內外主判差遣學士則帶館閣無疑族家乃同姓考仁宗實祿及百官表必可得是兄弟少年向學試為披尋此非八十老翁事也嘉泰甲子三月甲戌跋趙逢原得母詩卷

高宗皇帝孝通神明宗和皇后歸燕慈寧振古未聞也風化所覃自親及疎則有宗室伯梁字逢原居之安福縣別母三十年後乃知流落蜀中某少時親見其迎侍來歸名士如曾端伯及其子子長晁子西和詠之皆贈以詩後有朝奉郎任紳字公垂東州人靖康之亂與母相失齋戒禱天者十七年紹興和戒

河南來歸徒步求母而得之奉事十有八年詔擢刑
定官又兵部沈尚書介字德和湖州人宣和間父官
濟南生德和而嫁其所生兵亂莫知存亡紹興末以
秘書少監使北方往回厚賂驛舍承應人宛轉物色
得母所在歸懇荆襄將師捐金用間母遂與其異父
弟偕來皆其事也今逢原孫豐城主簿希恭出示舊
詩予方修廬陵志當併記所聞備史官采擇以彰
聖化嘉泰四年四月二十一日

題平園圖後

使臣王思恭昨寫予真永贊因記書對文苑之勞今
又繪平園圖集予詩文于後用意益可嘉也嘉泰甲
子端午日

題宋姓西園詩藁

金華宋姓字茂叔生於紹興壬申年十二月三巳卓
然自立為鄉里先進所知從呂伯共學其論通鑑貫
穿不窮伯共大奇之紹熙改元弟進士主筠州高安
簿豫章師漕王謙仲丘宗卿充延之鄭舜舉皆待以
上客宗卿使虜以為書狀官歸循從事即掾融州秩
滿辟廣西監事司主管官漕張君量胡元之又待以
上客蓋其氣象和平議論堅正明敏足以決事庶

周益公文集 平園續稿卷十一
勤足以厲俗不幸年四十餘卒官平時於經史皆究
極本原尤工詩篇興寄殊高遠嘗次陸務觀韻云欲
求平易多成拙稍有新奇却未工得句直須參造化
此身何必計窮通胷中所蘊可見矣其子自適亦進
士示君西園詩彙為題其後嘉泰甲子五月乙亥

周益公文集第十一卷

平園續稿卷第十一

周益公文集五十二

平園續稿卷第十二

宋廬陵周益公必大著

序一

傅忠肅公察文集序

二帝三王時人才多出於國子蓋其見聞積習作成
有素非如秀民必俟族黨州鄉賓興之然後用也觀
舜命夔典樂教胄子曰直而溫寬而栗剛而無虐簡
而無傲及命契為司徒教民則敬敷五教在寬而已
周官大司樂以樂德教國子曰中和祗庸孝友及司
徒以三物教萬民則置禮樂於六德六行之後其視

成材詳畧次第固有別夫子不云乎國興於詩立於禮成於樂學至於樂則義精仁熟和順於道德而性成焉故以之事親必孝事君必忠臨大節必不可奪文其餘力也晉唐以來名學與監置祭酒若司業皆冠以國子是亦古之遺意歟

本朝世臣巨室前後相望在

仁宗時有若獻簡傳公諱堯俞未冠以進士起家平居號稱長者及事四朝屢言路忘身徇國有不可奪之節遭時遇主致位二府生都美譽沒保令名遂為大家其從孫忠肅公諱察年十有八歲復踐世科

和未以吏部郎假宗正廷勞金國賀正使行及境上會幽燕交兵或勸其歸公不可猝遇幹離不強公使拜公又可竟握節死之 詔贈徽猷閣待制乾道中

追賜今謚其諸子皆以問學才猷翱翔任塗至孫伯壽文采益高方以直煥章閣按刑畿部與念前列既編定獻簡公草堂集又哀公遺藁成三卷將傳之四方屬其序其首惟公文務體要辭約而理盡甚類獻簡詩尤溫純該貫間次險韻愈多而愈工惜乎享年纔三十有七名官未達高文大冊無自而發其淵原則可考矣竊嘗論之獻簡幸生太平無事時止於正

言不諱是以為宋良臣公則不幸將命艱難之際伏
節死難遂在忠臣之日要之忠孝大節易地則皆然
特所遇不同耳故為推本帝王之教以及本朝之
盛使學士大夫知公世濟其美不墮其名者如此慶
元元年正月

歐陽文忠公年譜後序

文忠公年譜不一惟桐川薛齊誼廬陵孫謙益曾三
異三家為詳雖用舊例每歲列其著述考文力之先
後然篇章不容盡載次序寧免疑混如公曾孫建世
以告勅宣劄為編年尚多差互况餘人乎今參稽衆

譜傍採史籍而取正於公之文凡居士集外集各於
目錄題所撰歲月而闕其不可知者奏議表章之類
則隨篇註之定為文集一百五十三卷居士集五十
卷公所定也故寘于首外集二十五卷次之易童子

問三卷

詩本義別
行於世

外制三卷內制八卷表奏書啟四

六集七卷奏議十八卷雜著述十九卷集古錄跋尾
十卷又次之書簡十卷終焉考公行狀惟闕歸榮集
一卷往往散在外集更俟博求別有附錄五卷紀公
德業此譜傳叙出處詞簡而事粗備覽者當自得之
慶元二年二月十五日元稹六一書闕歸榮集一卷

唐文忠公文集 卷之二十一
却他集間有致仕後雜著數篇遂以其類分寘外集中今得六一堂時自編此卷其數正同乃知所分不可易也今以元篇列於總目之後毫無遺恨矣嘉泰四年中秋續題

歐陽文忠公集古錄序

右集古錄序成於嘉祐末年其云有卷帙次第無時世先後蓋取多而未已故隨其所得而錄之此公述千卷不以世代為序之意者也又云撮其大要別為錄目因載夫可與史傳正其闕謬者以傳後學此公述錄目跋尾之意也至寧熙二年公子叔弼記其後

云公命棐曰吾跋諸卷之尾者二百九十六篇若撮其大要別為錄目則吾未暇棐乃盡發千卷著其大畧自今觀之公序明言別為錄目而棐乃記公未暇之語世傳集古跋十卷四百餘篇而棐乃謂二百九十六篇雖是時公尚無恙後三年方薨然續跋纔十餘耳不應多踰百篇得非寫本誤以三百為二百或棐記在熙寧之前耶棐又云為十卷附跋尾之後今錄目自為一書乃二十卷不過列碑石所在及其名氏歲月初無難者何未暇之有是皆可疑姑以棐所記附公本序之後而自周秦至於五季皆隨年代為

唐文忠公集 卷之二十一
之序庶幾世先後秩然不紊間有書撰出於一于其
歲月相通則類而次之又於每卷之末備存當時卷
帙之次第既以便今亦不失其初云

歐陽文忠公集古錄後序

集古碑十卷每卷碑在前跋在後銜幅用公名印其
外裸以緗紙束以縹帶題其幟曰某碑卷第幾皆公
親蹟至今猶有存者按公嘗白云四百餘篇有跋今
世所傳本是也其間如唐鄭權碑乃熙寧辛亥歲跋
又至明年正月方跋鄧艾碑李德裕山居詩四月題
前漢鴈足鐙銘後數月而公薨殆集錄之絕筆也方

崧卿稟聚真蹟刻板廬陵得二百四十餘篇以校集
本頗有異同疑真蹟一時所書集本後或改定今於
逐篇各注何本若異同不多則以真蹟為主而以集
本所改注其下或繁簡遼絕則兩存之謂如後漢樊
常侍碑真集作永壽四年四月而集本改作二月訪
得古碑二月為是至於以始元為漢宣帝年號又稱
後周天統十六年唐大足二年之類乃公一時筆誤
不敢有所更改集古跋既刻成方得公子叔弼目錄
二十卷具列碑之歲月雖朝代僅差一二而紀年先
後頗有倒置已具其下

歐陽文忠公集後序

歐陽文忠公集自汴京江浙閩蜀皆有之前輩嘗言
公作文揭之壁間朝夕改定今觀手寫秋聲賦凡數
本劉原父手帖亦至再三而用字往往不同故別本
尤多後世傳錄既廣又或以意輕改殆至訛謬不可
讀廬陵所刻抑又甚焉卷帙叢脞畧無統紀和竊病
之久歆訂正而患寡陋未能也會郡人孫謙益老於
儒學刻意斯文承直郎丁朝佐博覽群書尤長考證
於是徧搜舊本傍采先賢文集與鄉貢進士曾三異
等互加編校起紹熙辛亥春迄慶元丙辰夏成一百
五十三卷別為附錄五卷可繕寫模印惟居士集經
公決擇篇目素定而參校衆本有增損其辭至百字
者有移易後章為前章者皆已附注其下如正統論
吉州學記瀧岡阡表又迥然不同則收寘外集自餘
去取因革粗有據依或不必要存而存之各為之說列
於卷末以釋後人之惑第首尾浩博隨得隨刻歲月
差互標注抵牾所不能免其視舊本則有間矣既以
補鄉邦之闕亦使學者據舊鑒新思公所以增損務
易則雖與公生不同時殆將如升堂避席親承指授
或因是稍悟為文之法此固區區本意也六月己巳

前進士周某謹書

劉彥純和陶詩後序

歌詩之作在國則繫其風化在人則繫其性習勤而不怨憂而不困以至決決乎颯颯乎之類識者一聞遺音不待入國風化固已可知人之文章苟蘊諸中必形諸外特用力有淺深故下語有工拙爾唐人鮮不能詩雖體格或不同而各能成其材是無他不強所短而握馬不棄所長而畫馬因其性而加之習茲所以名家也歟安福縣劉君彥純諱承弼紹興丙子乾道戊子兩薦於鄉既下第即隱西溪淳熙三年邑人舉節行詔旌表門閭常慕五柳先生為人畫和其詩百篇煥章閣待制楊公廷秀為之序盛行於江西而其弟之壻趙伯琢復求予題其後予告之曰彥純此詩殆得於唐人非得之五柳也伯琢駭而請其說予曰平澹簡易忘懷仕進彥純之性也不握不畫盡吾之才彥純之習也昔魯男子夜閉戶拒鄰婦婦曰子何不若柳下惠男子曰子與吾皆幼柳下惠固可吾固不可吾將以吾不可學柳下惠之可孔子稱其善今吾彥純蓋有得於此信予斯言然後知淵明春蘭秋菊松風澗水果在彥純破琴斷絃中廷秀真知

唐文苑英華卷之二十一
音哉慶元二年四月日

元豐曠遇集後序

吏部尚書贈少師王公子發序其西掖制草謂自高祖晉公會叔祖魏國文正公以及其身世掌絲綸名集曰懷遇而不曰榮遇者謙也恭惟太祖太宗削平僭亂勃興文治士生斯時以登畿為榮而晉公知制誥在乾德之三年至太平興國八年真拜舍人雍熙未出院纔四歲而文正已踐父官蓋淳化二年也至乾道三年章聖即位乃遷內相父子繼遇明主出雷風之令鼓舞多士縉紳榮之後八十餘歲

當元豐六年十月公復紹高曾之業越二年進給事中是時裕陵董正治官為文章煥焉可述宣仁哲廟大收人才協成初政潤色之邛尤多蓋三世代言俱接武於兩朝可謂榮也已矣慶元丙辰公會孫淹為廬陵郡丞大守楊侯方得是集而悅之將刻板布之四方謂某紹興乾道間嘗典斯事俾作後序記其本末昔官制初行舍人曾南豐也一日除郎御史數十人公為都司付制吏部讀而歎曰本原職守為之訓勅人人不同咸有新趣而衍裕雅重自成一家予謂歆知公制詞之美此數言盡之矣豈所謂夫

子自道者耶至於追爵荀况揚雄韓愈三制簡古明粹殆與西漢詔令相為表裏嗚呼盛哉集凡七卷制詞四百餘首或疑未卷它文十八篇不當入集按宋元憲掖垣叢志云中書因事表狀道釋齋贊蹟語並當制舍人撰近世此例方廢併書以告來者七月十日

朱新仲舍人文集序

藝之至者不兩能故唐之詩人或畧於文兼之者杜牧之乎苦心為詩自其所長至於識論切當世之務制誥得王言之體賦序碑記未嘗作予每讀其書

而愛之恨不與之同時孰知後世揚子雲乃在吾先友中先友謂誰敷文閣待知桐鄉朱公也公世文儒年二十二登政和進士第是時人諱言詩公獨沉涵六義思維作者南渡以來登館閣掌書命文章浸顯于朝中忤時宰謫居曲江十有四年昌其詩放厥辭蓋斥久窮極益自刻苦於山水間時也迨北歸則詩益老文益竒遂以名家其子軾等類公遺藁凡四十有四卷將刻而傳之屬予為序予謂公於牧之似之者三耽嗜佳句不工不已豈惟詩哉它文稱是一也仕皆至中書舍人職皆嘗歷史官以文華國儒者榮

之二也牧之出典黃睦池湖四州公亦守睦宣蘇等郡俱有惠政臨終各自誌其墓三也過之者亦三公事實高宗玉音屢獎其文擢寘從班坐是被讒而去牧之爵位皆宰相追擬不聞親結主知一也公壽七十一牧之五十而已二也公之子若孫俱傳其家學牧之之嗣雖為丞郎素業無聞焉三也某於公為年家子及與公款而知公詳因序公集併以是補公之家傳公諱翌字新仲慶元二年九月二十三日具位周某序

王致君司業文集序

志氣不強不足以言文學問不博不足以言文司業王君吾能言之志氣強者也學問博者也故其文章瞻而不失之泛嚴而不失之拘議論馳騁於數千百載之上而究極利害於四方萬里之遠其為歌詩慷慨憂時而比興存焉它文閱辨該貫直欲措諸事業所謂援古證今黼其辭特餘事耳既沒之十九年嗣子中行類遺編成二十卷求予為序君諱述字致君世家宛丘生十有一歲當建炎戊申北虜破陳為其所俘轉徙河朔者十年戎馬中編簡蕩然僅得春秋左氏傳斑固西漢書晝夜誦之一字不遺和議成間

道歸其父尚書公於浙東父母兄弟相見已即提書入太學益從師友盡讀諸子百家日萬餘言遂擢進士第凡中原所親歷平昔所講畫虜已在其目中又從知己視師荆襄然後南北形勝表裏洞達落筆輒數千言舉天下事如指諸掌 孝宗竒之擢御史諫官將行其言旋出為二千石部刺史而簡注不衰迨淳熙四年為少司成選逐虜使方嚮於用年六十而卒其所抱負百未一究也予與君家契且舊每悲君之不遇既序其文復紀其平生大畧如此後有君子為困惜才者必將歎息於斯焉慶元二年十月十五

日具位周某序

群玉詩集序

新塗之下有市曰硤江直玉澗口陸行十五里至玉笥山按道書以為羣玉山第十七太秀法樂洞天又為第八郁木福地漢武帝時遣使所禱見白玉笥於壇上以是得名古有宮觀二十餘區以承天宮為冠在三會峯下本梅福舊壇五代號王梁觀 真宗祥符初賜今名宣和間陞觀為宮其右白雲齋又登臨之冠也方其盛時聚徒至三百人大觀庚寅不戒於火後雖葺治未復其舊且非傳錄之地故不能於閭

阜爭長雄然山川閎麗仙真雜還則或過之有宣義
 即楊扶圖南著實錄二萬餘言事為一門王岳德升
 賦詩三百餘篇紀一事二君皆邑之名勝其書同成
 於紹興之二十八年古迹備矣今知宮事揚得清復
 刻自唐以來詩人題詠附益之凡好事者苟未能一
 至此山姑視三書猶將神游意想飄飄然起凌雲之
 志况於出入煙霞遨遊泉石之間哉得清蓋廬陵士
 旌於誠齋待制為叔姪行作詩有家法求予一言故
 為張其要於卷首慶元三年七月 日平園老叟周
 某書序

蘇文定公遺言後序

記諸善言孝子慈孫門人弟子之任然門弟子非一
 先後或不齊傳授或不審如元城劉忠定公於本
 朝故實洞達該貫無毫釐差而馬永卿錄造薰籠語
 猶以元豐後官制為 太祖時官制夫易知者尚爾
 况言之要德之奧乎蘇文定公晚居許昌造道深矣
 避禍謝客從有門人亦罕與言其聞緒論者子孫而
 止耳然諸子官游惟長孫將作監丞仲滋諱籀年十
 有四才識卓然侍左右者九年記遺言百餘條未嘗
 增損一語既老以授其子即中君詡即中復以授其

子道州史君森予嘗與道州同僚故請題其後昔人疑黃樓賦非出公手東坡蓋親為之辨金公自謂此賦學兩都晚年不復作此工夫之文至和陶擬古九首則明言坡代作識者當自得之又云讀書須學為文餘事作詩然公詩自工謂儲光義高處似陶淵平處似王摩詰而以韓子蒼比之子蒼由是知名公素不作長短句今漁家傲一篇雖用禪語而句法極高乃知公非不能詞直不為耳此皆學者所宜知也惟公道德文章國有史家有集所學在古史所得在經解平生議論復載於此若予者何足以窺其端徒見公善者機而已慶元戊午正月乙卯

揚謹仲詩集序

文章有天分有人力而詩為甚才高者語新氣和者韻勝此天分也學廣則理暢時習則句熟此人力也二者全則工偏則不工工則傳不工則不傳古今一也同年揚謹仲家世文儒才高而氣和於書無不讀於名勝無不師慕之嗜古如嗜色為文晝夜不休清江置郡今二百年二劉三孔以來文風日盛謹仲自少為先進所推未第時鄉之英俊爭受業於門名聞四方願交者衆二千石而下皆尊禮之蓋其行藝俱

唐文公集 卷之三 九十五
優而尤喜為詩本原乎六義沉酣乎風騷自魏晉唐
隋及乎 本朝凡以是名家者往往窺其藩籬沂其
源流大要則學杜少陵蘇文忠公故其下筆初而麗
中而雅晚而閑肆長篇如江河之澎湃浩不可當短
章如溪澗之漣漪清而可愛間與賓客訓唱愈多愈
奇非所謂天分人力全而不偏者耶諸孫光祖等既
哀成若干首分為若干卷而門人高第韋宜州揖又
捐俸刻之其傳無疑矣謹仲諱愿五十餘方入官一
為縣主簿兩為郡博士 朝廷嘗以車輅院起之即
上書請老轉通直即家居累年賜服緋魚壽七十有
九亦不可謂詩能窮人也慶元戊午正月

王推官 洋漫齋文集序

龍泉在廬陵郡西幾三百里南與橫浦義柳接非四
達之塗游客罕至故其人安分寡求非百貨所聚無
富商大賈往來貿遷故其俗純而不雜獨山幽水清
實鍾美於秀民往往忘外慕而志不分專以文章致
身殆與諸縣爭長雄惟命有通塞故仕有顯晦其來
尚矣英州推官王君諱洋字嘉謨自少力學負雋聲
盛年冠大比謂宜摩九霄撫四海而命與時左困於
場屋不得與鄉人之顯者同然其學術日富筆力日

雄譬之良農勤畝歲而雖儉而家不餓又如良將自有方畧數雖奇氣不寒平生著述三十卷號漫齋集其子稟孫三省蒙以示予予曰此吾故人之文也讀累日不能釋蓋其詩賦贍縟集類精切詩話博雅長短句清新有以起人之心至於古樂府十篇皆推見本原然後遣辭辨蘭貶蠅二說則又用意至到直欲跂前脩而及之是宜自一家而傳之一鄉而布之它邦豈得為子孫之藏而已彼仕之達不達何加損焉稟暨三省拜曰請以是為序乃為之書慶元戊午九月十五日

曾南夫提舉文集序

太和曾寅亮出曾祖常平使者遺文四十卷屬其為之序某伏讀累日而歎曰此吾先大父秦國公元符庚辰同年進士也某何敢辭夫文亦多術矣以要言之學不富則辭不典氣不充則辭不壯才不高則辭不贍三者亦有長焉足以名家况兼之乎公自幼讀書五行俱下稍長徧抄經史傳記雖大寒暑未嘗輟著六經語孟老子通論數千言凡聖賢蘊奧古今成敗無不究極下至星辰歷數皆為之說鄉先生劉弇偉明許可嚴甚每謂精博不可及其學何如也政和

三年擢使益部中貴人鄧述市物無藝不如意輒焚之公疏其害民十事 徽宗亟爲斥逐廉訪王竦懼其并害已也誣公失察典吏受贓坐謫監當久之年上思其勁直復起使兩浙湖南滋不改其操時禁舊學頌新義公作讀資治通鑑詩百餘言卒章有何當釋書禁新學破盲聾之句其氣何如也生纔八歲賦白鷺詩云外潔臨清流中貪魚鰕求人已駭伏甫中第蘇文定公歸自嶺南一見稱其邁往嘗登鎮陽樓慷慨作賦欲追禦寇拉稚川睨燕山眇井陘馳太行涉滹沱其才又可知矣雖官上議卽年僅五十有五而其文之典之壯之贍者有後之學者能孰復以觀知公為不亡矣公諱安強字南夫其父肅字温夫山谷黃公宰鄉縣以清高處士目之生四子皆踐儒科仲安止著禾譜五卷東坡蘇公所為賦秧馬歌者公乃其季也慶元戊午十月己丑

毛拔萃

洵

文集序

文者才也孝者行也金賦於天鮮矣制科時所重聲名世所貴天之與人又加鮮焉吉水毛洵子仁具此四美付與原矣而位止幕職壽纔三十有二何其薄也同邑曾三異無疑博古樂善悼其屈於百年之後

既哀遺文若干篇又祿名賢送行詩若干首仍纂其事實屬予為之序予白貴為公卿而才不行稱壽至期願而名穀無聞生赫奕於一時沒寂寥於後世者滔滔皆是也子仁年雖夭仕雖屯而科名孝行俱載國史垂於無窮以此易彼未知其孰為厚孰為薄也

仁宗實錄天聖九年

御史試選人書判拔萃科中者四人舉首李裕嘗歷理掾故改大理寺丞是謂京官字仁而下皆自主簿遷遷幕職雖同得邑猶選人也其告身曰承事郎者文散官也大理評事者試銜也李燾仁甫長編併以為京官則誤矣又其父子皆得余襄公為之銘父守竇厥後歷倅三郡卒於江東當時吉州上其死孝不知何為繫之竇州實錄既云然仁甫遂從之大抵考證之學易差難精亦在乎秉筆者審之而已慶元四年十月其位周某序

平園續稿卷第十二



